

Na osnovu člana 14 tačka 11 i 12 Zakona o udruženjima i fondacijama (Sl.list br. 45/2002 do 20. septembra 2002. god.) Savez pčelara Tuzlanskog kantona na svojoj Skupštini održanoj dana 17.02./2005. god. Donio je:

S T A T U T

SAVEZA PČELARA TUZLANSKOG KANTONA

I OPŠTE ODREDBE

Član 1.

Savez pčelara Tuzlanskog kantona (u daljem tekstu Savez) je vanstranački i smostalna organizacija u kojoj se građani, opštinska udruženja pčelara slobodno i dobrovoljno udružuju radi ostvarivanja ličnih, zajedničkih i društvenih ciljeva i interesa i razvoja i unapređenja plelarstva.

Član 2.

Statut Saveza pčelara TK sadrži naročito:

- naziv, sjedište i područje na kome djeluje,
- djelatnost Saveza
- svrha i programski ciljevi Saveza
- uslove i način učlanjivanja u Savez i prestanak članstva, kao i prava, dužnosti i odgovornosti članova Saveza
- upravne organe saveza, način njihovog izbora, način opoziva, trajanje mandata, način odlučivanja i odgovornosti
- način sticanja, korištenja i raspolaganja sredstvima Saveza,
- način donošenja odluke o prestanku rada Saveza
- javnost rada
- način donošenja Statuta, izmjene i dopune Statuta
- pečat,
- zastupanje i predstavljanje Saveza.

Član 3.

Savez ima svojstvo pravnog lica i upisuje se u registar udruženja koje vodi Ministarstvo pravde TK.

II NAZIV, SJEDIŠTE I PODRUČJE NA KOJEM SAVEZ DJELUJE

Član 4.

Puni naziv sjedišta glasi:

SAVEZ PČELARA TUZLANSKOG KANTONA

Član 5.

Sjedište saveza je u Tuzli u ul. Stari grad br. 9.

Član 6.

Savez djeluje na području Tuzlanskog kantona.

III DJELATNOST, SVRHA I PROGRAMSKI CILJEVI SAVEZA

Član 7.

Savez, radi ostvarivanja svojih ciljeva i zadataka utvrđenih ovim Statutom, će obavljati djelatnost neposredno u skladu sa Zakonom.

- savez će izdavati stručne časopise, biltene, brošure i publikacije i organizovati predstavljanje pčelarske literature radi informisanja i obrazovanja pčelara.
- Davati specijalizovanim organizacijama koje se bave uzgojem bilja, pošumljavnajem, rekultivacijom i dr., stručna mišljenja i prijedloge oko proizvodnje i sađenja medonosnog bilja, medonosnog rastinja, šiblja i drveća, čuvanja i zaštite sjemena i sadnica medonosnog bilja.

Član 8.

Savez predstavlja i zastupa udruženja u Kantonu i Federaciji BiH, Bosni i Hercegovini, i izražava njihove interese i potrebe iz oblasti pčelarstva, po unaprijed utvrđenim programima udruženja.

Zalaže se da svi pčelari na području kantona poštuju i pridržavaju se kodeksa pčelara. Vodi evidenciju svih udruženja, evidenciju o broju članova u udruženjima i pčelarskih društava na području kantona i druge evidencije radi uspješnog rada.

Dodjeljuje javna priznanja i počasna zvanja za zasluge u razvoju i unapređenju pčelarstva u Kantonu a na prijedlog općinskih udruženja, o čemu se donosi poseban pravilnik ao kriterijima za dodjelu priznanja i počačnih zvanja.

Član 9.

U Savez se dobrovoljno učlanjuju opštinska udruženja pčelara, pčelarske zadruge i srodne organizacije, preduzeća i ustanove na teritoriji Tuzlanskog kantona, radi ostvarivanja zajedničkih ciljeva utvrđenih ovim Statutom.

Član 10.

Cilj saveza je da svojom aktinvošću doprinosi:

- osnivanju, povezivanju, objedinjavanju i poticanju rada opštinskih pčelarskih udruženja radi razvoja i unapređenja pčelarstva, kao i drugih ciljeva i zadataka koji doprinose zadovoljenju ličnih i zajedničkih interesa, kao i ostvarivanju opštih interesa.
- da kroz opštinska udruženja pčelara okuplja i obučava djecu i mladi naraštaj za uzgoj pčela kao i obrazovanje mladih pčelara kroz škole. Pčelarske sekcije, seminare i druge oblike obrazovanja po posebnim programima.
- radi na očuvanju prirodne okoline i jačanju savjesti i odgovornosti o potrebi aktivnog odnosa pčelara prema mjerama i akcijama koje se organizuju na zaštitu i unapređenju okoliša,

- Predlaže nadležnim Kantonalnim i Federalnim ministarstvima donošenje posebnog Zakona o pčelarstvu i zaštiti pčelarske proizvodnje,
Predlaže nadležnim ministarstvima donošenje podzakonskih akata o standardizaciji pčelarskih proizvoda, opreme i pribora za pčelarstvo.
- Izdavanje popularne literature iz oblasti pčelarstva kao i popularizacije potrošnje pčelinjih proizvoda a u skladu sa Zakonom
- Savez organizuje stručno-popularna predavanja, savjetovanja, simpozijume, izložbe, stručne razgovore, takmičenja i pčelarske manifestacije.

IV USLOVI I NAČIN UČLANJIVANJA U SAVEZ, PRESTANAK ČLANSTVA, KAO I PRAVA, DUŽNOSTI I ODGOVORNOSTI ČLANOVA SAVEZA

Član 11.

Članstvo u Savezu je dobrovoljno.

Član 12.

Svako opštinsko udruženje pod jednakim uslovima utvrđenim Statutom udruženja može postati član kantonalnog saveza.

Član 13.

Članom Saveza može postati privredni subjekt koji svojim radom, aktivnošću i materijalno doprinosi i sudjeluje u ostvarivanju programa rada Saveza.

Član 14.

Počasnim članom Saveza može postati udruženje ili drugi pravni subjekt koji imaju izuzetne zasluge na polju ostvarivanja ideja, ciljeva i zadataka Saveza.

O proglašenju počasnog člana odlučuje Skupština saveza prema posebnom Pravilniku i o kriterijima.

Član 15.

Redovnim članovima Saveza posaje se ispunjavanjem pristupne izjave i prihvatanjem programskih ciljeva utvrđenih ovim Statutom.

Upravni odbor će u roku od 30 dana, od dana podnošenja pristupnice, utvrditi da li udruženje ispunjava uslove za učlanjenje.

Upravni odbor može donijeti odluku o odbijanju prijema u Savez sa naznačenim obrazloženjem.

Član 16.

Prava članova su da:

- budu obavješteni o radu Saveza i njihovih organa kao i o finansisko-materijalnom poslovanju;
- daju prijedloge, mišljenja i da o zauzetim stavovima budu obavješteni
- čuvaju i podižu ugled Saveza

- rade na povećanju broja članova
- rade na njegovanju prijateljskih odnosa među članovima Saveza
- pripremaju članski materijal
- koriste organizacijske usluge i stručnu pomoć Saveza

Član 17.

Članstvo u savezu prestaje:

- istupanjem
- neplaćanjem članarine za tekuću godinu
- isključenjem
- prestankom rada Saveza

Član 18.

Ako član Saveza, opštinsko udruženje, ne plati dio članarine u roku od 6 mjeseci tekuće godine, iz člana 17. ovog Statuta, brisat će se iz članstva.

Odluku o prestanku donosi Upravni odbor Saveza. Ta je odluka konačna.

Član 19.

Članica Saveza koja se ne pridržava stavova i ciljeva organizacije ili svojim radom nanosi štetu njenom ugledu može biti isključena iz Saveza.

Odluku o isključenju donosi Upravni odbor. Odluka o isključenju donosi se većinom glasova predsjedništva.

Protiv odluke o isključenju može se podnijeti žalba Skupštini.

Odluka Skupštine je konačna.

V UPRAVNI ORGANI SAVEZA, NAČIN NJIHOVOG IZBORA, USLOVI I NAČIN OPOZIVA, TRAJANJE MANDATA, NAČIN ODLUČIVANJA I ODGOVORNOSTI

Član 20.

Organi Saveza su:

- Skupština
- Upravni odbor
- Nadzorni odbor
- Sud časti.

Član 21.

Članovi u organima Saveza se u svom radu rukovode principima lične odgovornosti.

Članice Saveza su preko svojih predstavnika zastupljene u organima Saveza.

Mandat svih organa saveza traje 4 godine, sa mogućnošću obnavljanja mandata, a najviše još 4 godine.

Član 22.

SKUPŠTINA

Skupština je najviši organ Saveza
Skupštinu sačinjavaju predstavnici općinskih udruženja pčelara, sekcije i ostale članice Saveza.

Član 23.

Skupština se održava po potrebi a najmanje 1 puta godišnje. Skupštinu saziva Upravni odbor na vlastitu inicijativu ili na zahtjev 1/3 opštinskih udruženja.

Radom Skupštine rukovodi radno predsjedništvo.

Skupština može punovažno odlučivati ako je prisutna nadpolovična većina predstavnika članova Saveza. Odluke Skupštine su punovažne ako se za njih izjasni više od polovine prisutnih predstavnika Saveza. U slučaju da u vrijeme zakazano za početak rada Skupštine ne bude prisutna nadpolovična većina predstavnika članova Saveza, rad Skupštine odlaže se za 1 sat, a zatim Skupština počinje sa radom, ako istoj prisustvuje većina iz ukupnog broja predstavnika i takva Skupština može donositi punovaže odluke.

Član 24.

Skupštine opštinskih udruženja biraju svoje predstavnike u Skupštinu Saveza pčelara TK, tako da svako udruženje ima obavezno po jednog predstavnika. Udruženja koja imaju od 50 do 100 članova biraju još po jednog predstavnika a udruženja koja imaju preko 100 članova mogu imati najviše 3 predstavnika u Skupštini. Izbor predstavnika u savez pčelara vrši se u skladu sa Statutom Saveza.

Predsjednik Skupštine bira se na 4 godine i može biti biran 2 puta uzastopno. Predsjednik ima 2 dopredsjednika, a mandat dopredsjednika je istovjetan mandatu predsjednika. Predsjednika i dopredsjednika Skupštine bira Skupština Saveza.

Član 25.

Predstavnici u organima Saveza mogu biti opozvani prije isteka mandata ukoliko ne poštuju odredbe Statuta ili koji svojim ponašanjem narušavaju ugled Saveza. U slučaju smrti ili dužeg bolovanja predstavnika udruženja od novih izbora može da ga mijenja predsjednik udruženja iz kojeg je predstavnik biran ili član udruženja privremeno izabran do izbora novog člana. Skupština se zakazuje najmanje 15 dana prije održavanja.

Član 26.

Skupština obavlja slijedeće poslove.

- Donosi Statut, njegove izmjene i dopune,
- Verifikuje mandat članova Skupštine,

- Razmatra i usvaja izvještaj o radu Skupštine, upravnog odbora, nadzornog odbora i suda časti, komisija i radnih tijela koje je formirala Skupština,
- Utvrđuje osnovnu politiku i smjernice za utvrđivanje ciljeva i zadataka Saveza,
- Donosi plan razvoja i program obnove pčelarstva na području Tuzlanskog kantona,
- Bira i razrješava predsjednika i dopredsjednike Skupštine, bira članove Upravnog odbora, Nadzornog odbora i Suda časti,
- Razmatra prijedloge akata Federalnog Saveza pčelara BiH i o istim daje prijedloge i sugestije,
- Utvrđuje visinu članarine i dio članarine koji se izdvaja za finansiranje Federalnog Saveza pčelara a u skladu sa materijalnim mogućnostima Saveza pčelara TK,
- Utvrđuje program međukantonalne saradnje, donosi pravilnik o svom radu,
- Bira delegate za Federalni Savez pčelara i predlaže delegate za Savez pčelara BiH,
- Rješava i druga pitanja koja su po prirodi poslova i stvri u nadležnosti Skupštine.

UPRAVNI ODBOR SAVEZA

Član 27.

Upravni odbor je izvršni organ Skupštine Saveza i predstavlja Savez.

Upravni odbor ima od 9 do 11 članova, koji se biraju iz redova Skupštine Saveza pčelara.

Predsjednik Upravnog odbora bira se na 4 godine i može biti biran 2 puta uzastopno.

Predsjednik ima 2 dopredsjednika. Mandat dopredsjednika je istovjetan mandatu predsjednika.

Predsjednik i dopredsjednike Upravnog odbora bira Skupština Saveza na svojoj konstituirajućoj sjednici.

Prilikom izbora predsjednika i dopredsjednika vodi se računa da isti budu iz raznih općinskih udruženja.

U slučaju spriječenosti predsjednika zamjenjuje ga jedan od dopredsjednika.

Član 28.

Upravni odbor između dvije sjednice Skupštine KS obavlja funkciju Skupštine KS.

Član 29.

Upravni odbor Saveza ima ove zadatke:

- izvršava program rada, zaključke i smjernice koje donosi Skupština Saveza,
- odlučuje o pristupanju opštim aktima na osnovu Statuta i prati njihovo sprovođenje,
- koordinira rad opštinskih udruženja i ostalih saveza
- utvrđuje finansijski plan i usvaja završni račun,
- utvrđuje prijedlog programa rada i izvještaj o radu i zajedno sa finansijskim planom i završnim računom predlaže Skupštini na usvajanje,
- donosi i sprovodi odluke u vezi sa finansijskim planom i finansijskim poslovanjem Saveza,
- bira odgovorno lice u časopisu ili glasilu Saveza,

- bira potparola za informisanje i kontakte sa javnošću,
- odlučuje o visini lične naknade i sredstava zajedničke potrošnje i ostalih primanja radnika koji se profesionalno angažuju u radu Saveza,
- zaključuje ugovore u skladu sa svojim ovlaštenjima i predlaže Skupštini zaključivanje ugovora koji su značajni za sve članove Saveza,
- kontaktira sa srodnim organizacijama i njihovim organima u Kantonu, u drugim Kantonima, u FBiH i dr.
- podnosi izvještaj o svom radu Skupštini Saveza,
- vodi brigu oko pružanja pomoći nastradalim pčelarima, kao i obnovi pčelinjeg fonda na području Kantona,
- imenuje sekretara Saveza i obrazuje komisije i radne grupe za rješavanje konkretnog pitanja iz svog djelokruga,
- obavlja i druge poslove iz svog djelokruga u skladu sa odredbama ovog Statuta i drugih normativnih akata i Zakona.

Član 30.

Djelokrug o radu komisija i radnih tijela reguliše se poslovníkom o radu upravnog odbora.

Član 31.

Sjednice Upravnog odbora Saveza održavaju se prema potrebi, Sjednice Upravnog odbora Saveza saziva predsjednik, a u njegovom odsustvu jedan od dopredsjednika Upravnog odbora Upravni odbor punovažno odlučuje ako sijeđnici prisustvuje više od polovine članova. Odluke se donose većinom glasova prisutnih članova.

Član 32.

Predsjednik Upravnog odbora rukovodi radom sjednice, brine se o sprovođenju stavova i zaključaka, kao i odluka Skupštine, kao i odluka Upravnog odbora i predstavlja predsjedništvo.

Član 33.

Nadzorni odbor ima 3 člana. Predsjednika i članove nadzornog odbora bira Skupština saveza. Član Nadzornog odbora ne može istovremeno biti član Upravnog odbora bilo kog tijela Skupštini saveza, niti sekretar.

Član 34.

Nadzorni organ prati finansijsko poslovanje saveza, sprovođenje odluka i zaključaka Saveza i o tome izvještava Skupštinu. U svom radu Nadzorni organ saraduje sa predsjednikom i drugim organima Skupštine. Nadzorni organ donosi Poslovník o radu.

SUD ČASTI

Član 35.

Sud časti ima 3 člana.

Predsjednika i članove bira Skupština saveza pčelara TK. Član suda časti ne može biti istovremeno član predsjedništva Saveza, niti funkcioner u Skupštini, niti može obavljati funkciju sekretara. Posebnim pravilnikom će se regulisati rad suda časti.

VI NAČIN STICANJA, KORIŠTENJA I RASPOLAGANJA SREDSTAVA SAVEZA PČELARA TUZLANSKOG KANTONA

Član 36.

Za ostvarivanje ciljeva i zadataka Saveza osiguravaju se sredstva koja se ostvaruju na način propisan Zakonom i ovim Statutom. Prihodi se ostvaruju po osnovu članarine, priloga i poklona, donacija državnih organa i drugih organizacija, preduzeća i ustanova i iz drugih izvora.

Član 37.

Članice Saveza mogu plaćati članarinu Saveza u dvije rate godišnje.

Član 38.

Iz prihoda se podmiruju materijalni i drugi rashodi u skladu sa Zakonom i ovim Statutom.

Član 39.

Finansiskim planom planiraju se prihodi i rashodi Saveza.

Sredstva iz člana 36. raspoređuju se:

- na sredstva za rad Saveza, njihovih tijela i razvoja organizacije,
- sredstva za lične dohodke profesionalno angažovanim funkcionerima
- za posebne namjene
- za unapređenje materijalne osnove rada Saveza (nabavka literature, edukacija, snimanje kasete i filmova iz pčelarstva.)

Član 40.

Finansijski plan za svaku godinu donosi se prije početka godine na koju se odnosi.

Sredstva koja se na osnovu programa rada planiraju za obavljanje stručnih poslova (ili rad stručne službe ili angažovanje profesionalnog lica u Savezu) raspoređuje predsjedništvo, odnosno stručna služba svojim finansiskim radom.

Član 41.

Materijalno-finansijsko poslovanje vodi se saglasno važećim propisima. O prihodima i rashodima podnosi se izvještaj organima Saveza saglasno odredbama ovog Statuta.

Upravni odbor je dužan najmanje 1 puta godišnje podnijeti Skupštini saveza izvještaj sa podacima o imovini Saveza, korištenju imovine, prihodima i rashodima Saveza i drugim pitanjima od značaja za raspolaganje imovine i za finansijsko poslovanje Saveza.

Član 42.

Lica ovlaštena da potpisuju akte koji se odnose na sticanje i raspolaganje imovinom Saveza i na finansijsko poslovanje su: predsjednik Upravnog odbora ili lice koje on ovlasti.

VI JAVNOST RADA

Član 43.

Javnost rada Saveza ostvaruje se na način utvrđen Zakonom i ovim Statutom.

Član 44.

Organi Saveza su dužni da ovlaštenim predstavnicima javnog informisanja učine dostupnim podatke, informacije i isprave koje se odnose na rad Saveza ako Upravni odbor ne odluči drugačije.

Predstavnici sredstava informisanja imaju pravo da prisustvuju sjednicama organa Saveza i da izvještavaju o radu tih organa.

Član 45.

Obaveza je Udruženja da Savez informišu o svim značajnim pitanjima i problemima o kojima se raspravljalo na opštinskom udruženju i sa prijedlozima i zaključcima donesenim na sjednicama udruženja.

Član 46.

Sa usvojenim obavezujućim zaključcima i odlukama za udruženja u općinama i organi Saveza su obavezni informisati navedena udruženja u roku od 7 dana od dana usvajanja istih.

Član 47.

Obaveza je Saveza pčelara TK da o odlukama, prijedlozima, i usvojenim zaključcima informiše Federalni Savez pčelara, a istovremeno da o odlukama i zaključcima usvojenim na organima Federalnog Saveza pčelara obavijesti organe Saveza pčelara TK i udruženja građana na području TK.

VII STATUT I DRUGI OPŠTI AKTI SAVEZA

IZMJENE I DOPUNE STATUTA

Član 48.

Inicijativu za izmjene i dopune Statuta može podnijeti svaka članica Saveza. Inicijativa se podnosi upravnom odboru, pismenim putem i sa odgovarajućim obrazloženjem.

Član 49.

Prijedlog za izmjene i dopune Statuta utvrđuje Upravni odbor. Utvrđeni prijedlog dostavlja se Skupštini Saveza pismenim putem i sa odgovarajućim obrazloženjem najmanje 30 dana prije dana održavanja sjednice Skupštine Saveza.

Član 50.

O izmjenama i dopunama Statuta odlučuje Skupština većinom glasova ukupnog broja prisutnih članica Saveza.

Član 51.

Predsjednik Skupštine potpisuje 6 primjeraka odluke o izmjenama i dopunama Statuta koji se smatraju originalnim i čuvaju se u arhivi Saveza.

OPŠTI AKTI SAVEZA

Član 52.

Pored Statuta, organi Saveza mogu donositi i druge opšte akte i to:

- odluke,
- pravilnike,
- poslovnike.

Opšti akti Saveza moraju biti saglasni sa Zakonom i Statutom Saveza.

Član 53.

Odluke kao i opšti akti donose se u slučajevima kada je to izričito utvrđeno Zakonom i ovim Statutom, kao i drugim slučajevima kada se na opšti način utvrđuju pitanja od značaja za ostvarivanje ciljeva Saveza.

Član 54.

Pravilnikom se utvrđuju odnosi između članica Saveza i međusobni odnosi organa Saveza u ostvarivanju njihovih nadležnosti.

Član 55.

Poslovníkom se poblížje uređuje naćin rada organa Saveza u izvršenju njihovih nadležnosti utvrđenih Statutom.

Ćlan 56.

Originalni primjerci opštih akata Saveza ćuvaju se u arhivi Saveza.

IX PRESTANAK RADA SAVEZA

Ćlan 57.

Savez mođe prestati sa radom dobrovoljno ili po sili zakona.

Ćlan 58.

Savez prestaje sa radom dobrovoljno, ako Skupština dovtrećinskom većinom svih ćlanica Saveza donese odluku o raspušćanju Saveza.

Ćlan 59.

Istovremeno sa odlukom o raspušćanju Saveza Skupština donosi plan likvidacije Saveza kojim se utvrđuje raspodjela imovine, prava i obaveza Saveza a u skladu sa Statutom Saveza.

Skupština imenuje likvidatora Saveza ćija je dužnost da se stara o izvršenju plana likvidacije i koji je ovlašćen da zastupa Savez u postupku likvidacije i u podnošenju zahtjeva za prijavu prestanka rada Saveza nadležnim organima.

Ćlan 60.

U postupku likvidacije Saveza iz imovine Saveza će se izmiriti sve dospjele zakonske obaveze kao i obaveze nastale prema drugim povjeriocima Saveza, a eventualna preostala imovina rasporedit će se na ćlanice Saveza srazmjerno njihovom doprinosu u plaćanju ćlanarine.

X PEĆAT

Ćlan 61.

Savez ima svoj pećat.

Pećat Saveza je okruglog oblika, promjera 30 mm na kojem je ispisan latinicom naziv „Savez pćelara Tuzlanskog kantona“ Tuzla.

XI ZASTUPANJE I PREDSTAVLJANJE SAVEZA

Član 62.

Savez zastupa i predstavlja predsjednik Upravnog odbora a u slučaju spriječenosti predsjednik jedan od dva dopredsjednika.

Član 63.

Ovaj Statut stupa na snagu danom usvajanja na Skupštini a primjenjivat će se od danaupisa Saveza u registar kod nadležnog ministarstva.

Član 64.

Predsjedavajući Skupštine potpisuje 4 primjerka ovog Statuta.
Svi primjerci iz predhodnog stava smatraju se originalnima.

Tuzla, 18.02. 2005.
Broj: 01.01./05.

PREDSJEDNIK SKUPŠTINE